

ქ. თბილისი

„25“ თებერვალი 2015წ.

ერთი მხრივ,

შპს „საქართველოს აეროპორტების გაერთიანება“ (ქ. თბილისი, სამგორის რაიონში, აეროპორტის დასახლება (აეროპორტი) ს.კ №404 389 693) წარმოდგენილი მისი დირექტორის პირველი მოადგილის თეიმურაზ ჩხაიძის სახით შემდგომში („შემსყიდველი“) და მეორე მხრივ,

მეორე მხრივ,

შპს „საქაერონავიგაცია“ (მისამართი: საქართველო, ქ. თბილისი, აეროპორტი, 0158. ს.კ 208144051) წარმოდგენილი მისი გენერალური დირექტორის გოჩა მეზვრიშვილის სახით (შემდგომში „მიმწოდებელი“)

საქართველოს კანონის „სახელმწიფო შესყიდვების შესახებ“, მე-10¹ მუხლის მე-3 პუნქტის „ბ“ ქვეპუნქტის თანახმად, ვდებთ ხელშეკრულებას შემდეგზე:

1. ხელშეკრულების საგანი

1.1. შპს „საქართველოს აეროპორტების გაერთიანებას“ და შპს „საქაერონავიგაციას“ ქუთაისის დავით აღმაშენებლის სახელობის საერთაშორისო აეროპორტში გააჩნიათ საერთო საკუთრება, ძირითადი საშუალება - 10კვ. ძაბვის ელ. გადამცემი ხაზის „ფიდერი №5 აეროპორტი წვევა TS1 - TS აეროპორტი (3)“ აღრიცხვის კვანძი და 10კვ. ძაბვის ელ. გადამცემი ხაზის „ფიდერი №5 აეროპორტი წვევა TS1 - TS აეროპორტი“ აღრიცხვის კვანძი. მხარეები თანხმდებიან, რომ აღნიშნული ძირითადი საშუალებების ექსპლუატაციის საჭიროებისათვის შპს „საქაერონავიგაცია“, როგორც ძირითადი საშუალებების 93,74% მესაკუთრე **„სხვა მიმწოდებლისაგან“** (პირი, რომელთანაც შპს „საქაერონავიგაცია“ გააფორმებს სახელმწიფო შესყიდვის შესახებ ხელშეკრულებას, ტრანსფორმატორების შესყიდვაზე, თანმდევი მონტაჟით), შეისყიდის 6 (ექვსი) ერთეული ძაბვის ტრანსფორმატორს საკუთარი სახსრებით, და განახორციელებს მის მონტაჟს 2015 წლის 1 მარტამდე.

1.2. შპს „საქაერონავიგაციის“ მიერ „სხვა მიმწოდებლისგან“ შესასყიდი საქონლის (მონტაჟით) ღირებულებაა - 6, 389.59 ლარი დღგ-ს ჩათვლით. აღნიშნული თანხის 100%-ს სრულად გადაიხდის შპს „საქაერონავიგაცია“ მისი საკუთარი სახსრებიდან.

1.3. შპს „საქაერონავიგაციის“ მიერ „სხვა მიმწოდებლისგან“ შესასყიდი საქონლის (მონტაჟით) მიღება შპს „საქაერონავიგაციის“ მიერ განხორციელდება მიმწოდებელთან გაფორმებული მიღება-ჩაბარების აქტის საფუძველზე. აღნიშნულ პროსცესს დაესწრება და დააკვირდება შპს „საქართველოს აეროპორტების გაერთიანების“ წარმომადგენელი გიორგი მნელაძე, რასაც დაადასტურებს მიღება-ჩაბარების აქტზე ხელმოწერით.

1.4. შპს „საქაერონავიგაციის“ მიერ წინამდებარე ხელშეკრულებით ნაკისრი ვალდებულებების სრულად შესრულების შემდგომ, მხარეებს (საქაერონავიგაცია და საქართველოს აეროპორტების გაერთიანება) შორის ფორმდება მიღება-ჩაბარების აქტი. მიღება ჩაბარების აქტზე ხელმოწერის უფლებამოსილება საქაერონავიგაციის მხიდან ენიჭება ფრენების ელექტრო შუქ-ტექნიკური უზრუნველყოფის სამსახურის უფროსს - გელა კულუმბეგაშვილს, საქართველოს აეროპორტების გაერთიანების მხრიდან კი გიორგი მნელაძეს.

1.5. შპს „საქართველოს აეროპორტების გაერთიანება“ გადაუხდის შპს „საქაერონავიგაციას“-6, 389.59 ლარის -6,26%-ს, -(CPV-31170000), წინამდებარე ხელშეკრულების 1.4. პუნქტით განსაზღვრული მიღება-ჩაბარების აქტის და ანგარიშ-ფაქტურის საფუძველზე, მათი ხელმოწერიდან 5 (ხუთი) სამუშაო დღის ვადაში.

2. ხელშეკრულების ფასი

- 2.1. ხელშეკრულების საერთო ღირებულება შეადგენს 399.99 (სამას ოთხმოცდაცამეტი ლარი და ოთხმოცდაცხრამეტი თეთრი) ლარს.
- 2.2. ხელშეკრულების საერთო ღირებულებაში შედის საქონლის შესყიდვასთან, მიწოდებასთან და მონტაჟთან დაკავშირებული ყველა ხარჯი, ასევე საქართველოს კანონმდებლობით დადგენილი გადასახადები (მათ შორის დღგ), რომელიც უნდა გადაიხადოს „მიმწოდებელმა“.

3. ხელშეკრულების განხორციელების ვადები და პირობები

- 3.1. მიმწოდებელმა წინამდებარე ხელშეკრულებით ნაკისრი ვალდებულება უნდა შეასრულოს არაუგვიანეს 2015 წლის 2 მარტისა. მიწოდების ადგილი: ქუთაისის დავით აღმაშენებლის სახელობის საერთაშორისო აეროპორტი.

4. შესყიდვის ობიექტის მიღება-ჩაბარების წესი

- 4.1. შესყიდვის ობიექტის მიღება მიწოდებისთანავე ფორმდება „მიღება-ჩაბარების“ აქტით. რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას.

5. ანგარიშსწორების პირობები

- 5.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.
- 5.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი და საგადასახადო ანგარიშ-ფაქტურა.

6. მხარეთა უფლებამოსილებანი

6.1 „მიმწოდებელი“ ვალდებულია:

- 6.1.1 განხორციელდეს ხარისხიანი შესყიდვის ობიექტის მიწოდება, ხელშეკრულებით გათვალისწინებულ დროსა და ადგილას;
- 6.1.2 კეთილსინდისიერად შეასრულოს ნაკისრი ვალდებულება;
- 6.1.3 დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.1.4 უზრუნველყოს შემსყიდველისთვის ხელშეკრულების საგანთან დაკავშირებული ყველა დოკუმენტაციის მიწოდება ასეთის არსებობის შემთხვევაში;
- 6.2 მიწოდებული შესყიდვის ობიექტის დადგენილ სტანდარტებთან და ხარისხთან შესაბამისობაზე პასუხისმგებლობა ეკისრება მიმწოდებელს.
- 6.3 მიმწოდებელი ვალდებულია გამოვლენილი ნაკლი აღმოფხვრას საკუთარი ხარჯებით.
- 6.4 მიმწოდებელს შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ აქვს უფლება გადასცეს მოცემული ხელშეკრულებით გათვალისწინებული თავისი უფლება-მოვალეობები მესამე პირს.
- 6.5 მიმწოდებელი ვალდებულია პირადად განახორციელოს ხელშეკრულებით ნაკისრი ვალდებულებები.
- 6.6 „შემსყიდველი“ ვალდებულია:
 - 6.6.1 უზრუნველყოს მიმწოდებლისათვის საფასურის გადახდა ხელშეკრულების შესაბამისად.
 - 6.6.2 დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.
- 6.7 „მიმწოდებელს“ უფლება აქვს:
 - 6.7.1 ხელშეკრულების ფარგლებში მოითხოვოს საფასურის დროული და სრული ანაზღაურება.
- 6.8 „შემსყიდველს“ უფლება აქვს:
 - 6.8.1 აწარმოოს ხელშეკრულების პირობების შესრულების მონიტორინგი;

- 6.8.2 მოითხოვოს მიმწოდებლის მიერ ნაკისრი ვალდებულებების ჯეროვნად შესრულება;
- 6.8.3 შეწყვიტოს ხელშეკრულება წინამდებარე ხელშეკრულებით განსაზღვრული პირობების შესაბამისად;

7. ხელშეკრულების პირობების გადასინჯვა

7.1 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

7.3 ხელშეკრულებაში ნებისმიერი ცვლილება უნდა გაფორმდეს წერილობითი ფორმით.

8. ხელშეკრულების შესრულების შეფერხება

8.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება და აღნიშნული შეფერხება არ არის გამოწვეული ფორს-მაჟორული გარემოებით, დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

8.2. შეტყობინების მიმღებმა მხარემ 5 (ხუთი) დღის ვადაში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

8.3. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

9. ფორს-მაჟორი

9.1. მხარეები თავისუფლდებიან ვალდებულების დარღვევით გამოწვეული პასუხისმგებლობისაგან და ასეთი დარღვევა არ გამოიწვევს ხელშეკრულების შესრულების გარანტიის გამოყენებას ან დაუბრუნებლობას, თუ ხელშეკრულების შესრულების შეფერხება ან ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოებებია: მიწისძვრა; წყალდიდობა; ხანძარი; ქარიშხალი; დიდთოვლობა; ნისლი; ტემპერატურის მკვეთრი ცვლილებები; ცენტრალური ენერჯო მომარაგების (ბუნებრივი აირი, ელექტროენერჯია) და ცენტრალური წყალმომარაგების შეწყვეტა მხარისგან დამოუკიდებელი მიზეზით; სამხედრო მოქმედებები; ეპიდემიები; გაფიცვები; სამთავრობო ორგანოების გადაწყვეტილებები ან მათი არარსებობა; ბლოკადა; ემბარგო; საკანონმდებლო აქტებში ცვლილებები, რომლებიც უშუალოდ ახდენენ გავლენას მხარეთა მიერ ნაკისრი ვალდებულებების შესრულებაზე.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს

ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებზეც გავლენას არ ახდენენ ფორს-მაჟორული გარემოებები.

9.4. თუ ფორს-მაჟორული გარემოება გაგრძელდა 10 (ათი) დღეზე მეტ ხანს შემსყიდველი უფლებამოსილია ცალმხრივად შეწყვიტოს ხელშეკრულება.

10. ხელშეკრულების პირობების შეუსრულებლობა

10.1 ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობისათვის ან არაჯეროვნად შესრულების შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,1 %-ის ოდენობით ყოველი ვადაგადაცილებული დღისათვის.

10.2 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

10.3 პირგასამტეხლოს გარდა მხარეს უფლება აქვს მოითხოვოს მიყენებული ზიანის ანაზღაურება.

11. ხელშეკრულების შეწყვეტა

11.1 ხელშეკრულება შეიძლება შეწყვეტილ იქნეს:

11.1.1 ურთიერთვალდებულებების შესრულებით;

11.1.2 მხარეთა შეთანხმებით;

11.1.3 ცალმხრივად შემსყიდველის მიერ;

11.1.4 საქართველოს მოქმედი კანონმდებლობით გათვალისწინებულ სხვა შემთხვევებში.

11.2 ხელშეკრულება შემსყიდველის მიერ ცალმხრივად შეიძლება იქნას შეწყვეტილი თუ:

11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

11.2.2 მიმწოდებელი სისტემატიურად და/ან უხეშად არღვევს ხელშეკრულების პირობებს;

11.2.3 შემსყიდველისათვის ცნობილი გახდა, რომ მისგან დამოუკიდებელი მიზეზების (იგულისხმება ფორს-მაჟორული გარემოების არსებობა) გამო 5 (ხუთი) სამუშაო დღის განმავლობაში მიმწოდებელი ვერ უზრუნველყოფს ხელშეკრულებით ნაკისრი ვალდებულებების ნაწილობრივ ან სრულად შესრულებას;

11.2.4 მიმწოდებლის მიმართ აღიძრა საქმე გადახდისუუნარობასთან დაკავშირებით;

11.2.5 საქართველოს კანონმდებლობით გათვალისწინებულია სხვა შემთხვევები.

12. ინსპექტირების პირობები

12.1. ხელშეკრულების შესრულების კონტროლს განახორციელებს ქუთაისის დავით აღმაშენებლის სახელობის საერთაშორისო აეროპორტის ტექნიკური მენეჯერი გიორგი ძნელაძე, კოორდინატორების ფუნქციებია:

12.2. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით, სათანადო კონტროლისა და ზედამხედველობის განხორციელება.

12.3. სახელმწიფო შესყიდვების შესახებ ხელშეკრულების პირობების შესაბამისად მიმწოდებელთან მიღება-ჩაბარების აქტის ხელმოწერა.

13. ხელშეკრულების ვადა

13.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე არაუგვიანეს 2015 წლის 02 აპრილამდე.

14. დავების გადაწყვეტა

- 14.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 14.2. მხარეთა შორის წარმოქმნილი ყველა დავა გადაწყდება ურთიერთშეთანხმების გზით.
- 14.3. თუ შეთანხმება ვერ მოხერხდა, დავა გადაწყდება სასამართლოს გზით, მოქმედი კანონმდებლობით დადგენილი წესით, თბილისის საქალაქო სასამართლოში.

15. დასკვნითი დებულებები


- 15.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.
- 15.2. ხელშეკრულება შედგენილია 2 ეგზემპლარად ერთი შემსყიდველისთვის, ხოლო ერთი - მიმწოდებლისათვის. ყველა ეგზემპლარს აქვს თანაბარი იურიდიული ძალა.

16. მხარეთა ხელმოწერები და რეკვიზიტები

„შემსყიდველი“

შპს „საქართველოს აეროპორტების გაერთიანება“

მისამართი: ქ. თბილისი, სამგორის რაიონში აეროპორტის დასახლება (აეროპორტი),
 ს.კ № 404 389 693
 საბანკო რეკვიზიტები: სს „თი ბი სი ბანკი“,
 ბანკის კოდი: TBCBGE22
 ა/ა: GE47TB0615536070100001 / GEL



„მიმწოდებელი“

შპს „საქაერონავიგაცია“

მისამართი: ქ. თბილისი, აეროპორტი
 ს.კ. 208144051
 საბანკო რეკვიზიტები: სს „ბანკი რესპუბლიკა“,
 ბანკის კოდი: REPLGE22
 ა/ა: GE69BR 000 000 000 5467067

